



千金方衍義

中武  
176  
16





門中武  
第 176  
卷 16



孫真人千金方衍義卷十一

長洲張 璐路玉著

南沙席世臣郢客校

肝臟方 凡五類

肝臟脈論第一 論二首

論曰夫人稟天地而生故內有五臟六腑精氣骨髓  
筋脈外有四肢九竅皮毛爪齒咽喉唇舌肛門胞囊  
以此總而成軀故將息得理則百脈安和役用非宜  
卽爲五勞七傷六極之患有方可救雖病無他無法  
可憑奄然永往所以此之中秩卷卷備述五臟六腑



等血脈根源循環流注與九竅應會處所并論五臟  
六腑等輕重大小長短闊狹受盛多少仍列對治方  
法丸散酒煎湯膏摩熨及灸鍼孔穴並窮於此矣其  
能畱心於醫術者可攷而行之其冷熱虛實風氣準  
藥性而用之則內外百病無所逃矣凡五臟在天爲  
五星在地爲五嶽約時爲五行在人爲五臟五臟者  
精神魂魄意也論陰陽察虛實知病源用補瀉應稟  
三百六十骨節終會通十二經焉

論曰肝主魂爲郎官隨神往來謂之魂魂者肝之藏  
也目者肝之官肝氣通於目目和則能辨五色矣左  
目甲右目乙循環紫宮榮華於爪外主筋內主血肝  
重四觔四兩左三葉右四葉凡七葉有六童子三玉  
女守之神名藍藍主藏魂號爲魂藏隨節應會故云  
肝藏血血舍魂在氣爲語在液爲淚肝氣虛則恐實  
則怒肝氣虛則夢見園花生艸得其時夢伏樹下不  
敢起肝氣盛則夢怒厥氣客於肝則夢山林樹木  
凡人寢臥血歸於肝肝受血而能視足受血而能步  
掌受血而能握指受血而能攝  
凡肝臟象木與膽合爲腑其經足厥陰與少陽爲表  
裏其脈弦相於冬主於春春時萬物始生其氣來濡



而弱寬而虛故脈為弦濡即不可發汗弱則不可下寬者開開者通通者利故名曰寬而虛

春脈如弦春脈肝也東方木也萬物之所以始生也故其氣來濡弱輕虛而滑端直以長故曰弦反此者病何如而反其氣來實而弦此謂太過病在外其氣來不實而微此謂不及病在內太過則令人善忘忘常怒忽忽眩冒而癩疾不及則令人胸痛引背兩脇肢

滿

肝脈來濡弱招招如揭竿末梢曰平

巢源作綽綽如按琴瑟之絃如

竿揭長春以胃氣為本肝脈來盈實而滑如循長竿曰

肝病肝脈來急而益勁如新張弓弦曰肝死

真肝脈至內外急如循刀刃責責然巢源作臍臍然如按琴

瑟絃巢源作如新張弓弦色青白不澤毛折乃死

春胃微弦曰平弦多胃少曰肝病但弦無胃曰死胃

而有毛曰秋病毛甚曰金病

肝藏血血舍魂悲哀動中則傷魂魂傷則狂妄其精

不守一作狂妄不精令人陰縮而攣筋兩脇肋骨舉

一作毛悴色夭死於秋

足厥陰氣絕則筋縮引卵與舌厥陰者肝脈也肝者筋之合也筋者聚於陰器而脈絡於舌本故脈弗營



千金方衍義卷二  
則筋縮急筋縮急則引卵與舌故唇青舌卷卵縮則筋先死庚篤辛死金勝木也

肝死藏浮之弱按之中如索不來或曲如蛇行者死春肝木王其脈弦細而長曰平反得沉濡而滑者是腎之乘肝母之歸子為虛邪雖病易治反得浮大而洪者是心之乘肝子之乘母為實邪雖病自愈反得微澀而短千金翼云微浮而短澀者是肺之乘肝金之尅木為賊邪大逆十死不治反得大而緩者是脾之乘肝土之陵木為微邪雖病即瘥心乘肝必吐利肺乘肝即為癰腫

左手關上陰絕者無肝脈也苦癢遺溺難言脇下有邪氣善吐刺足少陽治陽

左手關上陰實者肝實也苦肉中痛動善轉筋吐刺足厥陰治陰肝脈來濯濯如竿如琴瑟絃再至曰平三至曰離經病四至脫精五至死六至命盡足厥陰脈也

肝脈急甚為惡言一作妄言微急為肥氣在脇下如覆杯緩甚為嘔微緩為水痕痺大甚為內癰善嘔衄微大為肝痺縮咳引小腹小甚為多飲微小為消痺滑甚為頽疝微滑為遺溺澀甚為淡飲微澀為瘕瘕筋攣



肝脈搏堅而長色不青當病墜若搏因血在脇下令  
人喘逆其濡而散色澤者當病溢飲溢飲者渴暴多  
飲而溢入肌膚腸胃之外也

素問溢入  
作易入

青脈之至也長而左右彈有積氣在心下支肱名曰  
肝痺得之寒濕與疝同法腰痛足冷頭痛

扁鵲曰肝有病則目奪精虛則寒寒則陰氣壯壯則  
夢山樹等實則熱熱則陽氣壯壯則夢怒

肝在聲爲呼在變動爲握在志爲怒怒傷肝精氣并  
於肝則憂肝虛則恐實則怒怒而不已亦生憂矣  
色主春病變於色者取之榮

病先發於肝者頭目眩脇痛支滿一日之脾閉塞不  
通身痛體重二日之胃而腹脹三日之腎小腹腰脊  
痛脛瘦十日不已死冬日入夏早食

病在肝平旦慧下晡甚夜半靜

假令肝病西行若食雞肉得之當以秋時發病以庚  
辛日也家有血腥死女子見之以明要爲災不者若  
感金銀物得之

凡肝病之狀必兩脇下痛引小腹令人善怒虛則目  
眈眈無所見耳無所聞善恐如人將捕之若欲治之  
當取其經足厥陰與少陽氣逆則頭目痛耳聾不聰



頰腫取血者

肝脈沉之而急浮之亦然苦脇痛有氣支滿引小腹  
痛時小便難苦目眩頭痛腰脊痛足爲寒時癢女人  
月事不來時無時有得之少年有所墮墜

肝病其色青手足拘急脇下苦滿或時眩冒其脈弦  
長此爲可治宜服防風竹瀝湯秦艽散春當刺大敦  
夏刺行間冬刺曲泉皆補之季夏刺太衝秋刺中郄  
皆瀉之又當灸期門百壯背第九椎五十壯

邪在肝則兩脇中痛寒中惡血在內疔善癢節時腫  
取之行間以引脇下補三里以溫胃中取血脈以散  
惡血取耳間青脈以去其瘰

凡有所墮墜惡血留內若有所大怒氣上而不能下  
積於左脇下則傷肝

肝中風者頭目暈兩脇痛行常偃令人嗜甘如阻婦  
狀

肝中寒者其人洗洗惡寒翕翕發熱面翕然赤熱熱  
有汗胸中煩熱

肝中寒者其人兩臂不舉舌本又作大燥善太息胸中

痛不得轉側時盜汗咳食已吐其汁

肝主胸中喘怒罵其脈沉胸中又窒欲令人推按之



有熱鼻塞

肝傷其人脫肉又臥口欲得張時時手足青目瞑瞳人痛此爲肝臟傷所致也

肝水者其人腹大不能自轉側而脇下腹中痛時時津液微生小便續通

肝脹者脇下滿而痛引小腹

肝著其病人常欲蹈其胸上先未苦時但欲飲熱診得肝積脈弦而細兩脇下痛邪氣走心下足脛寒脇痛引小腹男子積疝女子瘦淋身無膏澤善轉筋爪甲枯黑春癘秋劇色青也

肝之積名曰肥氣在左脇下如覆杯有頭足如龜鱉狀久久不愈發咳逆瘖瘡連歲月不已以季夏戊巳日得之何也肺病傳肝肝當傳脾脾適以季夏壬壬者不受邪肝復欲還肺肺不肯受因畱結爲積故知肥氣以季夏得之

肝病胸滿脇脹善恚怒叫呼身體有熱而復惡寒四肢不舉面白身體滑其脈當弦長而急今反短澀其色當青而反白者此是金之尅木爲大逆十死不治襄公問扁鵲曰吾欲不診脈察其音觀其色知其病生死可得聞乎答曰乃聖道之大要師所不傳黃帝



貴之過於金玉入門見病觀其色聞其呼吸則知往來出入吉凶之相角音人者主肝聲也肝聲呼其音琴其志怒其經足厥陰厥逆少陽則榮衛不通陰陽交雜陰氣外傷陽氣內擊擊則寒寒則虛虛則卒然暗啞不聲此為厲風入肝續命湯主之方見第八卷中但踞坐不得低頭面白青黑四肢緩弱遺失便利甚則不可治賒則旬月之內桂枝酒主之方見第八卷中又呼而哭哭而反吟此為金尅木陰擊陽陰氣起而陽氣伏伏則實實則熱熱則喘喘則逆逆則悶悶則恐畏目視不明語聲切急謬說有人此為邪熱傷肝甚則不可

治者唇色雖青向眼不應可治地黃煎主之方見下肝虛實

中篇

肝病為瘧者令人色蒼蒼然太息其狀若死者烏梅丸主之方見第十卷中若其人本來少於悲恚忽爾嗔怒出言反常乍寬乍急言未竟以手向眼如有所畏若不即病禍必至矣此肝病聲之候也若其人虛則為寒風所傷若實則為熱氣所損陽則瀉之陰則補之青為肝肝合筋青如臯羽者吉肝主目目是肝之餘其人木形相比於上角蒼色小頭長面大肩平背直身小手足有材好勞心少力多憂勞於事耐春夏不耐



秋冬感而生病足厥陰他他然脇廣合堅脆傾  
正則肝應之正青色小理者則肝小小則臟安無脇  
下之病粗理者則肝大大則虛虛則寒逼胃迫咽善  
膈中且脇下痛廣脇反骹者則肝高高則實實則肝  
熱上支黃加脇下急為息黃合脇危一作駁者則肝  
下下則逼胃脇下空空則易受邪脇骨堅者則肝堅  
堅則臟安難傷脇骨弱者則肝脆脆則善病消瘵易  
傷脇腹好相者則肝端正端正則和利難傷脇骨偏  
舉者則肝偏傾偏傾則脇下偏痛凡人分部陷起者  
必有病生膽少陽為肝之部而藏氣通於內外部亦

隨而應之沈濁為內浮清為外若色從外走內者病  
從外生部處起若色從內出外者病從內生部處陷  
內病前治陰後治陽外病前治陽後治陰陽主外陰  
主內凡人死生休否則藏神前變形於外人肝前病  
目則為之無色若肝前死目則為之脫精若天中等  
分墓色應之必死不治看應增損斟酌足賒則不  
出四百日內促則不延旬月之間肝病少愈而卒死  
何以知之曰青白色如拇指大麤點見顏頰上此必  
卒死肝絕八日死何以知之面青目赤但欲伏眠目  
視而不見人汗出如水不止一日二日死面黑目青



者不死青如艸滋死吉凶之色在於分部順順而見  
青白入目必病不出其年若年上不應三年之中禍  
必應也

春木肝脈色青主足少陽脈也春取絡脈分肉春者  
木始治肝氣始生肝氣急其風疾經脈常深其氣少  
不能深入故取絡脈分肉之間其脈根本並在竅陰  
之間應在窻籠之前窻籠者耳前上下脈以手按之  
動者是也

其筋起於小指次指之上結外踝上循肘外廉結於  
膝外廉其支者別起於外輔骨上走髀前者結伏兔

之上後者結於尻其直者上眇乘季脇上走腋前廉  
俠於膺乳結於缺盆直者上出掖貫缺盆出太陽之  
前循耳後上額角交巔上下走頷上結於顛其支者  
結於目外皆爲外維

其脈起於目銳眥上抵頭角下耳後循頸行手少陽  
之前至肩上却交出手少陽之後入缺盆其支者從  
耳後入耳中出走耳前至銳眥後其支者別銳眥下  
大迎合手少陽於頰下加頰車下頸合缺盆以下胸  
中貫膈絡肝屬膽循脇裏出氣街繞毛際橫入髀厭  
中其直者從缺盆下腋循胸過季脇下合髀厭中以



下循髀陽出膝外廉下外輔骨之前直下抵絕骨之  
端下出外踝之前循足跗上出小指次指之端其支  
者別跗上入大指之間循大指岐內出其端還貫入  
爪甲出三毛合足厥陰爲表裏厥陰之本在行間上  
五寸應在背踰同會於手太陰

其足少陽之別名曰光明去踝半寸是也別走厥陰  
下絡足趺王肝生病病實則膽熱熱則厥厥則陽病  
陽脈反逆大於寸口一倍病則胸中有熱心脇頭領  
痛缺盆腋腫虛則膽寒寒則痿蹇蹇則陰病陰脈  
反小於寸口病則胸中有寒少氣口苦身體無膏澤

外至脗絕骨外踝前及諸節皆痛若陰陽俱靜與其

俱動如引繩俱頓者病也

此盡是足少陽膽經筋脈支別爲病今取足厥陰肝

經附於後

足厥陰之脈起於大指叢毛之際上循足趺上廉云  
內踝一寸上踝八寸交出太陰之後上膈內廉循股  
陰入毛中環陰器抵小腹俠胃屬肝絡膽上貫膈布  
脇肋循喉嚨之後上入頰額連目系上出額與督脈  
會於巔一本云其支者從小腹與太陰少其支者從  
陽結於腰髀下第三第四骨空中目系下頰裏環脣內其支者復從肝別貫膈上注肺  
中是動則病腰痛不可以俛仰丈夫頰疝婦人小腹



腫甚則噎乾面塵脫色是主肝所生病者胸滿嘔逆  
洞泄狐疝遺溺閉癢盛者則寸口大一倍於人迎虛  
者則寸口反小於人迎也

足厥陰之別名曰蠡溝去內踝上五寸別走少陽其  
別者循經上畢結於莖其病氣逆則畢腫卒疝實則  
挺長熱虛則暴癢取之所別足厥陰之筋起於大指  
之上上結於內踝之前上循肱上結內輔之上下循  
陰股結於陰器結絡諸筋

春三月者主肝膽青筋牽病也其源從少陰而涉足  
少陽少陽之氣始發少陰之氣始衰陰陽怫鬱於腠  
理皮毛之病俱生表裏之病因起從少陽發動反少  
陰氣則臟腑受厲而生其病相反若腑虛則為陰邪  
所傷腰背強急脚縮不伸肱中欲折目中生花若臟  
實則為陽毒所損澀澀前寒而後熱頸外雙筋牽不  
得屈伸頸直背強眼赤黃不欲轉動合身回側故曰  
青筋牽病

方見第九  
卷傷寒門

扁鵲曰灸肝肺二腧主治丹毒牽病當依源處治調  
其陽理其陰臟腑之疾不生矣

肝虛實第二 脈四首 方十一首  
灸法一首

肝實熱



左手關上脈陰實者足厥陰經也病苦心下堅滿常兩脇痛息忿忿如怒狀名曰肝實熱也

竹瀝泄熱湯 治肝實熱陽氣伏邪熱喘逆悶恐

目視物無明狂悸非意而言者方

竹瀝 一升 麻黃 大青

梔子 升麻 茯苓

元參 知母 各三分 生葛

石膏 各八分 生薑 芍藥 各四分

右十二味咬咀以水九升煮取二升半去滓下竹瀝煮兩三沸分三服須利下芑硝三分去芍藥加

生地黄五分 刪繁方無石膏生薑芍藥生葛用人參三分

衍義喘逆狂悶明是木邪無畏反侮肺金之象方用竹

瀝潤火清痰為主兼以麻黃升麻開泄肺滿於上大青引領知母石膏等味降泄肝實於下可謂峻矣設亢極不能即應須加芑硝以潤下之芍藥益氣不若地黃之滋血故易之

前胡湯 治肝實熱目痛胸滿氣急塞瀉肝方

前胡 芑硝 秦皮

梔子仁 決明子 黃芩

升麻 蕤仁 細辛 各三兩



苦竹葉

切

車前葉

切各一升

右十一味咬咀以水九升煮取三升去滓下芫硝分三服 一方有柴胡三兩

衍義

肝熱而見胸滿氣急火邪內蘊之兆火性上炎而害空竅所以目痛故用前胡決明蕤仁專祛肝竅之風升麻細辛黃芩開發上盛之熱芫硝梔子苦竹卷耳疎泄內蘊之火秦皮苦燥專主肝膽濕熱且為目痛要藥

防風散 治肝實熱夢怒虛驚方

防風

茯苓

萎蕤

白朮

橘皮

丹參

各一兩三分

細辛

二兩

甘艸

射干

各一兩燒

升麻

黃芩

各一兩半

大棗

三七枚

酸棗仁

三分

右十三味治下篩為粗散以兩方寸七帛裹以井花水二升煮時時動上裹子煎取一升分服日二衍義夢中恚怒醒則虛驚熱并於肝而膽氣餒怯也夫木邪勢盛必致凌虐脾土土受木乘亦令善驚故用防風補膽射干瀉肝酸棗萎蕤丹參平調肝膽血氣細辛升麻黃芩開發少陽風熱苓朮橘甘大



棗培護中土土實則肝氣受蔭不致木稿火炎則  
夢寐安寧可無驚怒之患君以防風非獨補膽補  
肝藥中亦須用以土中瀉木可無土敗木乘之患  
遠志散 治肝邪熱出言反常乍寬乍急方

遠志 射干 杏仁

大青 各一兩半 茯神 麥門冬

葛根 甘艸 各一兩 芍藥 各一兩三分

桂心 三分 知母 升麻 各五分

石膏 二兩

右十三味治下篩為粗散以水二升五合煮竹葉

一升取汁內藥一七半煎取八合為一服日一以

綿裹散煮之

衍義

出言反常木邪肆虐擾亂神明君主不能為政也  
方用遠志茯神麥門冬利竅安神滋培心氣升麻  
葛根杏仁開泄於上大青射干芍藥甘艸知母石  
膏降泄於下清潤藥中得桂心之辛溫以開泄木  
邪之去路也

地黃煎 治邪熱傷肝好生悲怒所作不定自驚

恐方

生地黃 淡竹葉 生薑



車前艸

乾藍

各切一升

赤蜜

一升

丹參

元參

各四兩

茯苓

二兩

石膏

五兩

右十味咬咀以水九升煮取三升去滓停冷下蜜更煎三兩沸分三服

衍義

此言邪熱傷肝本藏津液雖為熱邪所耗而虛陽散漫或時擾肝則怒迫肺則悲薄膽則驚犯腎則恐以火無常性乘虛隨入諸經鄰壑為墟少陰尤為切近所以專取地黃兼滋肝腎真陰乾藍引領淡竹車前等味降泄諸經遊火又須生薑赤蜜辛

甘滋化肺氣不使虛陽畱宿於上然蜜有赤白之分白者補而赤者瀉兩不移易之定法

肝膽俱實

左手關上脈陰陽俱實者足厥陰與少陽經俱實也病苦胃脹嘔逆食不消名曰肝膽俱實也

肝虛寒

左手關上脈陰虛者足厥陰經也病苦脇下堅寒熱腹滿不欲飲食腹脹悒悒不樂婦人月經不利腰腹痛名曰肝虛寒也

補肝湯

治肝氣不足兩脇下滿筋急不得太息



四肢厥冷發搶心腹痛目不明了及婦人心痛  
乳癰膝熱消渴爪甲枯口面青者方

山茱萸

翼作鳥頭

甘艸

桂心

各三兩

桃仁

翼作狴仁

柏子仁

細辛

茯苓

防風

各二兩

大棗

二十枚

右九味咬咀以水九升煮取五升去滓分三服

衍義

肝為風木之藏動則生火靜則生風動者實而靜者虛也山茱萸桂心專補肝虛下脫防風細辛柏仁專散虛風內動然非山茱萸不能斂固於下非桂心不能鼓運於中故欲杜虛風須培疆土苓甘大棗

意在培土尤賴防風桂心之風力運動則土膏發

育木澤敷榮桃仁一味協濟桂心流通血脈調適

婦人經候之要著也

補肝散 治左脇偏痛久宿食不消并目眊眊昏

風淚出見物不審而逆風寒偏甚消食破氣止

淚方

山茱萸

桂心

薯蕷

天雄

茯苓

人參

各五分

芎藭

白朮

獨活

五加皮

大黃

各七分

橘皮

三分



防風

乾薑

丹參

厚朴

細辛

桔梗

各一兩半

甘艸

乾菊花 一兩

貫衆

半兩

陳麥麩

大麥蘗 各一升

右二十三味治下篩酒服方寸七日一若食不消

食後服若止痛食前服

衍義

前補肝湯所主肝虛本病此補肝散所主木乘土衰故於黃桂天雄等補肝藥中參入大黃厚朴貫衆以泄內蘊之滯人參白朮茯苓以補內虧之氣乾薑芎藭五加以溫內阻之血防風細辛獨活乾

菊以化內虛之風其餘薯蕷丹參桔梗橘皮甘艸

麩蘗隨補瀉以為佐使耳

松膏酒 治肝虛寒或高風眼淚等雜病方

以松脂十觔細剉以水淹浸一周日煮之細細

接取土膏水竭更添之脂盡更水煮如前烟盡

去火停冷脂當沉下取一觔釀米一石水七升

好麩末二斗如家常釀酒法仍冷下飯封一百

日脂米麩並消酒香滿室細細飲之此酒須一

倍加麩

衍義

松脂堅勁而善祛風肝虛風濕內襲故用其膏釀



酒以祛宿昔之風高風眼淚非肝風內蘊之一驗乎

枸杞酒 治同前

枸杞子一斗搗碎內絹袋中酒二斗漬訖密封泥甕勿洩曝乾天陰勿出三七日滿旦温酒任性飲之忌酢

衍義 枸杞酒方下主治同前然松膏燥濕枸杞潤血補肝之用雖同潤燥之性迥別

防風煎 治肝虛寒目眈眈視物不明諦視生花補方

防風

細辛

芎藭

獨活

白蘇皮

甘艸

橘皮

大棗

甘竹葉

蜜

右十味咬咀以水一斗六升先煮九味取四升去滓下蜜更煎兩沸分四服日三夜一若五六月以燥器貯冷水藏之

衍義

肝氣下襲於腎上擾水輪所以眈眈視物不明諦視生花防風白蘇甘竹上散頭目諸風細辛獨活芎藭下通腎肝之結甘艸橘皮蜂蜜大棗培土以



禦木邪之下陷也

檳榔湯 治肝虛寒脇下痛脹滿氣急目昏濁視

物不明方

檳榔 二十枚

附子

母薑 七兩

茯苓

橘皮

桂心 各三兩

桔梗

白朮 各四兩

吳茱萸 五兩

右九味咬咀以水九升煮取三升去滓溫服每服一升若氣喘者加芎藭三兩半夏四兩甘艸二兩

衍義

一浪溫補肝脾藥中獨用檳榔以破脇滿氣急則

桂附薑萸苓朮桔橘力祛中外虛寒而無旺氣扼腕之患矣

治肝虛目不明方

灸肝膈二百壯小兒斟酌可灸一二七壯

肝膽俱虛

左手關上脈陰陽俱虛者足厥陰與少陽經俱虛也病若恍惚尸厥不知人妄見少氣不能言時時自驚名曰肝膽俱虛也

肝勞第三

論一首 方二首

論曰肝勞病者補心氣以益之心王則感於肝矣人



逆春氣則足少陽不生而肝氣內變順之則生逆之則死順之則治逆之則亂反順為逆是謂關格病則生矣

猪膏酒 治肝勞虛寒關格閉塞不通毛悴色天

方

猪膏

薑汁 各二升

右二味以微火煎取三升酒五合和煎分為三服

食

衍義

肝為藏血藏津之地肝氣過勞則血槁津枯關格之病生矣猪膏甘潤滋津生薑辛温化氣使津液

流布而關格通矣

虎骨酒 治肝虛寒勞損口苦關節骨疼痛筋攣

縮煩悶方

虎骨 一升炙焦碎加雀頭 丹參 八兩

乾地黄 七兩

地骨皮

乾薑

芎藭 各四兩

猪椒根

五加皮

白朮

枳實 各五兩

右十味咬咀絹袋盛以酒四斗浸四日初服六七

合漸加至一升日再

衍義

肝主筋腎主骨肝勞而至筋攣骨疼風寒在下口



苦煩悶風熱在上也虎骨猪椒芎藭內搜筋骨之  
風乾薑白朮五加下追關節之痛地黃地骨上清  
煩擾之熱枳實丹參中散瘀滯之血也

筋極第四

論二首 灸法七首 方七首

論曰夫六極者天氣通於肺地氣通於嗑風氣應於  
肝雷氣動於心穀氣感於脾素問穀雨氣潤於腎六  
經爲川腸胃爲海九竅爲水注之氣所以竅應於五  
臟五臟邪傷則六腑生極故曰五臟六極也

論曰凡筋極者生肝也肝應筋筋與肝合肝有病從  
筋生又曰以春遇病爲筋痺筋痺不已復感於邪內  
舍於肝則陽氣入於內陰氣出於外若陰氣外出出  
則虛虛則筋虛筋虛則善悲色青蒼白見於目下若  
傷寒則筋不能動十指爪皆痛數好轉筋其源以春  
甲乙日得之傷風風在筋爲肝虛風也若陽氣內發  
發則實實則筋實筋實則善怒嗑乾傷熱則咳咳則  
脇下痛不能轉側又脚下滿痛故曰肝實風也然則  
因其輕而揚之因其重而減之因其衰而彰之審其  
陰陽以別柔剛陽病治陰陰病治陽善治病者病在  
皮毛肌膚筋脈而治之次治六腑若至五臟則半死  
矣



扁鵲云筋絕不治九日死何以知之手足爪甲青黑呼罵口不息筋應足厥陰足厥陰氣絕則筋縮引卵與舌筋先死矣

橘皮通氣湯 治筋實極則咳咳則兩脇下縮痛

痛甚則不能轉動方

橘皮 四兩 白朮 石膏 各五兩

細辛 當歸 桂心

茯苓 各三兩 香鼓 一升

右八味咬咀以水九升煮取三升去滓分三服

衍義 肝傷筋極而復傷熱則咳咳則脇下痛故用橘皮

細辛以治咳香鼓石膏以化熱桂心當歸以調肝

白朮茯苓以實脾脾實則肝邪不能肆虐矣

丹參散 治筋實極則兩脚下滿滿而痛不得遠

行脚心如割筋斷折痛不可忍者方

丹參 三兩 芎藭 杜仲

續斷 地骨皮 各二兩 乾地黄

當歸 通艸 升麻

麥門冬 禹餘糧 麻黃 各一兩十八銖

牛膝 二兩六銖 甘艸 桂心 各一兩六銖

生薑 切炒焦乾 牡蠣 各二兩半



右十七味治下篩為粗散以絹袋子盛二方寸七以井花水二升煮數動袋子煮取一升頓服日二義衍脚下滿痛多由遠行力乏極勞傷筋或沃以湯風寒之邪乘虛襲入遂致筋折如斷故於治血舒筋劑中兼麻黃升麻以散邪牡蠣禹餘糧以杜虛風之復擾也

地黃煎 治筋實極手足爪甲或青或黃或黑烏

黯四肢筋急滿方

生地黃汁三升 生葛汁 生元參汁各一升

天黃 升麻各二兩 麻黃

梔子仁 犀角各三兩 石膏五兩

芍藥四兩

右十味咬咀以水七升先煮七物取二升去滓次下地黃汁煎一二沸次下葛汁煎取三升分為三服日再

義衍筋極而見手足爪甲青黑頗有似乎陰寒之證然有煩滿而無厥逆洵為瘀熱無疑故於解利藥中得麻黃升麻外通經氣之結得地黃大黃破蓄血之滿也 此與前熱邪傷肝之地黃煎溼涓攸分彼專收攝虛陽故兼生薑此專攻逐瘀血故兼大



黃觀金匱狐惑例中赤小豆當歸散治七日目四皆黑病雖不同而瘀血之證則一

五加酒 治筋虛極筋痺好悲思顏色蒼白四肢

痿痺手足拘攣伸動縮急腹中轉痛方

五加皮 一斤 薏苡仁 半升 枳刺 二升

大麻仁 二升 猪椒根皮 丹參 各八兩

乾薑 芎藭 各五兩 桂心

當歸 甘草 各三兩 天雄

秦椒 白蘇皮 通艸 各四兩

右十五味咬咀以絹袋盛清酒四斗漬春夏四日

秋冬六七日初服六七合稍稍加以知為度

衍義

筋虛極而好悲且色兼蒼白明是金刑木象筋病

所以外見手足拘攣內顯腹中轉痛故用五加祛

風逐濕而兼二椒薑雄壯筋強骨桂心芎藭益肝

養營佐以薏苡枳刺麻仁丹參甘艸蘇通得酒以

行其力何憚筋極之不平復乎

人參酒 治筋虛極則筋不能轉十指爪皆痛數

轉筋或交接過度或病未平復交接傷氣內筋

絕舌卷唇青引卵縮肝脈疼急腹中絞痛或便

欲絕不能飲食方



人參

防風

茯苓

細辛

秦椒

黃芪

當歸

牛膝

桔梗

各一兩半

乾地黄

丹參

薯蕷

鐘乳

礬石

山茱萸

芎藭

各二兩

白朮

麻黃

各二兩半

五加皮

生薑

切炒乾

烏麻

碎各一斤

大棗

三十枚

右二十二味咬咀鐘乳別以小袋子盛清酒二斗半浸五日温服三合日再不知隨意增進 一本

無烏麻用杜仲一兩半

衍義

此治腎勞筋極故用山萸薯蕷地黄牛膝補養眞陰芎藭當歸丹參烏麻滋培營血人參黃芪茯苓白朮保養元神麻黃細辛桔梗防風開泄旺氣鐘乳礬石秦椒五加固斂陽精生薑大棗調和營衛其襄扶陽續筋之功其間白朮與鐘乳相反千金每用相激以壯其威且與礬石並用不獨爲氣傷精脫之所需并可禦麻黃發汗之外脫况漬酒緩進與湯藥急迫用法迥乎不類也

治交接損卵縮筋攣方



燒婦人月經衣灰服方寸匕

衍義此即南陽陰陽易燒裊散變法取穢惡之氣以散穢惡之傷也

治筋絕方

熬蟹腦足髓內瘡中筋即續

衍義筋絕而用蟹髓入傷處不但續筋并能散血然用生者為捷但足易脫不若用髓尤勝

灸法

勞冷氣逆 髓冷痺脚屈伸難灸陽蹻一百壯在外

踝下容爪

腰背不便轉筋急痺筋攣灸第二十一椎隨年壯

轉筋十指筋攣急不得屈伸灸脚外踝骨上七壯

失精筋攣陰縮入腹相引痛灸中封五十壯在內踝

前筋裏宛宛中 又云灸下滿各五十壯老人加之

小兒隨年壯 又云此二穴喉腫厥逆五臟所苦鼓

脹悉主之

轉筋脛骨痛不可忍灸屈膝下廉橫筋上三壯

腹脹轉筋灸臍上一寸二七壯

堅癥積聚第五

論一首 灸法六首 方四十四首

論曰病有積有聚何以別之荅曰積者陰氣也聚者



陽氣也故陰沉而伏陽浮而動氣之所積名曰積氣之所聚名曰聚故積者五臟之所生聚者六腑之所成故積者陰氣也其始發有常處其痛一作病不離其部上下有所終始左右有所窮處也聚者陽氣也其始發無根本上下無所留止其痛無常處謂之聚也故以是別知積聚也

經絡受病入於腸胃五臟積聚發伏梁息賁肥氣否氣奔豚積聚之始生至其已成奈何曰積之始生得寒乃生厥止乃成積人之善病腸中積者何以候之曰皮薄而不澤肉不堅而淖澤如此則腸胃生惡惡

則邪氣留止積聚乃作腸胃之積寒溫不次邪氣稍止至其蓄積留止大聚乃起病有身體腰脾股胕皆腫環臍而動是謂何病曰病名伏梁此風根也不可動動之爲水溺澀之病小腹盛左右上下皆有根者伏梁也裏膿血居腸胃之外不可治治之每切按之致死此下則因陰必下膿血上則迫胃管生王冰云當作出膈俠胃腕內癰此久病也難療居臍上爲逆慎勿動亟奪其氣溢於大腸而著於盲盲之原在臍下故環臍而痛

### 三台丸

治五臟寒熱積聚臚脹腸鳴而噫食不



生肌膚甚者嘔逆若傷寒瘧已愈令不復發食  
後服五丸飲多者十九常服令人大小便調和  
長肌肉方

大黃熬

前胡各二兩

硝石

葶藶

杏仁各一升

厚朴

附子

細辛

半夏各一兩

茯苓半兩

右十味為末蜜和搗五十杵丸如梧子大服五丸  
稍加至十丸以知為度

衍義

五臟皆有寒熱積聚非獨肝也肝之積名曰肥氣

心之積名曰伏梁脾之積名曰痞氣肺之積名曰  
息賁腎之積名曰奔豚奔豚氣上衝胸腹痛往來  
寒熱金匱主以奔豚湯燒鍼汗出不解欲作奔豚  
桂枝加桂湯所加之桂桂心為當臍下悸者欲作奔豚芩桂  
甘棗湯腹中寒上衝皮起出見有頭足三物大建  
中湯寒氣厥逆用赤丸胸痺積痛九痛丸脇下偏  
痛大黃附子湯諸積雖有五臟之分大約不出金  
匱等法為正治眼藏千金特舉肝臟為例者以肝  
藏生發之氣生氣旺則五臟環週生氣阻則五積  
畱著其方雖彙肝臟之門而所用之藥不獨治肝



積也如三台丸專取大黃附子湯專破腎肝脾三經之結兼大陷胸丸但以硝石易芒硝以泄肺胃逆氣之滿更加前胡厚朴茯苓半夏導氣滌痰方中僅有細辛一味達肝於此可以默悟堅癥積聚諸方不獨為肝臟一門設也

五石烏頭丸 治男子女人百病虛弱勞冷宿寒久癖及癥瘕積聚或嘔逆不下食并風濕諸病無不治之方

鐘乳煉

硫黃

礬石

紫石英

赤石脂

板實

甘艸

白朮

紫菀

山茱萸

防風

白薇

桔梗

天雄

皂莢

細辛

菝葜

人參

附子

藜蘆各一兩六銖

麥門冬

乾薑

蜀椒

吳茱萸

桂心各二兩半

烏頭三兩

厚朴

遠志

茯苓各一兩半

當歸二兩

乾地黃一兩八銖

棗膏十合

右三十二味為末蜜和搗五千杵丸如梧子大酒



服十九日三稍加之

烏頭丸 治男子女人寒冷腹內積聚邪氣往來

厥逆搶心心痛悶吐下不止婦人產後羸瘦方

烏頭十五枚

吳茱萸

蜀椒

乾薑

桂心各二兩半

乾地黄一兩半

前胡

細辛

人參

芎藭

白朮

皂莢

紫苑

白薇各一兩六銖

芍藥各十銖

右十五味為末蜜和如梧子大酒下十九日三稍加之以知為度

衍義

五石而兼雄附烏頭三建薑桂椒萸四烈可謂峻

矣又以參朮藜蘆相激乳朮共襄克敵之功復取

獨地滋燥之品緩其悍烈之威深得緩急相需之

妙烏頭丸主治與五石烏頭丸輕重殊分彼以

積堅氣實非五石雄附兼乳朮參藜之反不能克

應此以積微氣弱不勝峻伐但採方中性味稍和

者一十二味更退防風當歸而退前胡芎藭以示

勒方之權度也

治心腹痛脇下及小腹滿堅痛有積寒氣入腹

使人腹中冷發甚則上搶心氣滿飲食喜嘔方



大黃

茯苓 各一兩半

桂心

黃芩

吳茱萸

細辛

人參

蜀椒

乾薑 各一兩六銖

男髮灰 兩半

牡丹

甘艸

芎藭

菴蓉

麤蟲 各十銖

芍藥

防葵

蟲蟲

厚朴

半夏 各一兩

右二十味為末蜜丸如梧子大服五丸日再漸加之

衍義

疝瘕而見小腹滿痛乃肝血結積部分非濁陰之

氣填塞膈上之比有時捨心喜嘔胸中大氣失職不能駕馭陰邪然陰僭陽位必不能久據於上於此可以立辨故用人參扶助正氣挾薑桂而散積結朴半椒萸破除濁氣大黃防葵為蟲廔開辟積血之門戶也其餘牡丹芍藥芎藭髮灰之屬總在輔佐蟲廔之流耳

恆山丸

治脇下邪氣積聚往來寒熱如温瘧方

恆山

蜀漆

白薇

桂心

蛇甲

白朮

附子

鱉甲

麤蟲



貝齒 各一兩半

蜚蠊 六銖

右十一味為末蜜和丸如梧子大以米泔清服五

丸日三

衍義積聚結於肝膽部分所以洗洗寒熱發作有時頗有似乎溫瘧之狀但不若瘧之發有常期也溫瘧得之冬月受邪至春夏蘊蒸而發故禁溫劑此沉寒固結雖用恒山蜀漆二甲蠱蟲貝齒削堅破瘀之劑不得附桂辛溫無以動之白薇功專開泄旺氣力除寒熱洗洗發作有時白朮生能逐濕散血并助諸藥破積之力也

又方

蒸鼠壤土熨之冷即易 腹中切痛炒鹽半觔  
令焦內湯中飲之大吐瘥 若手足痛者烘青  
布內小口器中熏痛處

衍義外用三法土熨布熏皆取用一時以圖暫安未為不可其炒鹽引吐在西北水土堅厚之域固可無慮東南風氣易動之鄉不無激動上衝之患雖鹹未必便能斂降也

神明度命丸 治久患腹內積聚大小便不通氣  
上搶心腹中脹滿逆害飲食方



大黃

芍藥

各二兩

右二味為末蜜丸如梧子大服四九日三不知可加至六七丸以知為度

衍義

積聚腹中阻逆二便故用大黃推陳致新芍藥和血止痛蜜丸緩投可無開泄之虞

治萬病積聚方

七八月間收蒺藜子不限多少以水煮過熟取曝令乾搗篩蜜丸如梧子大酒服七丸以知為度其汁煎如飴服之

衍義

白蒺藜專祛肝腎之風為目科及白癩風要藥而

本經首推治惡血破積聚也

陷胸湯 治胸中心下結積飲食不消方

栝蘘實

大黃

黃連

各二兩

甘艸

一兩

右四味咬咀以水五升煮取二升五合分三服

衍義

小陷胸用半夏黃連栝蘘實以滌胸中痰垢大陷胸用大黃芒硝甘遂以散心下結鞭此以食積倉廩而蘊熱故於小陷胸中除去半夏參入大陷胸中大黃乃革去大小二字僅取陷胸之名以除水穀陳氣而與有形堅積略無干預也



太乙神明陷冰丸 治諸疾破積聚心下支滿寒

熱鬼疰長病咳逆唾噫辟除眾惡殺鬼逐邪惡

氣胸中結氣咽中閉塞有進有退繞臍側側隨

上下按之跳手心中愠愠如有蟲狀毒注相染

滅門方

雄黃 油煮一日

丹砂

礬石

當歸

大黃 各二兩

巴豆 一兩

犀角

鬼臼

射罔

藜蘆 各一兩

珍珠

附子 各一兩半

麝香

牛黃

人參 各半兩

蜈蚣

蜥蜴 各一枚

芫青 五枚

烏頭 八枚

杏仁 四枚

斑猫 七枚

樗雞

地膽 各二十枚

桂心 三兩

右二十四味為末蜜和搗三萬杵丸如小豆先食飲服二丸日三不知稍加仍以藥二丸安門戶上

令眾惡不敢近家及視病人夜行獨宿服二丸令眾惡不敢近傷寒服之無不即瘥 此方與十七卷尸疰篇方重

蜥蜴丸 治癥堅水腫飛尸百注遁注尸注骨血

相注惡氣鬼忤蠱毒邪氣往來夢寤存亡雷飲

結積虎狼所嚙狗犬所傷鳩毒入人五臟服藥



千金方卷之十一  
以消殺其毒毒即消婦人邪鬼忤亦能遣之之

方

蜥蜴

蜈蚣

各二枚

地膽

五十枚

麤蟲

蝨蟲

杏仁

各三十枚

蛻螂

十四枚

朴硝

巴豆

各七分

欵冬花

犀角

桃奴

澤漆

桑赤雞

鬼督郵

各十八銖

芍藥

虎骨

各六分

甘艸

乾薑

各四分

甘遂

五分

右二十味為末別治巴豆杏仁如膏內藥末研調

下蜜搗二萬杵丸如麻子先食飲服二九日一不

知加之不敢吐下者一丸有人風冷注痺堅二十

年者得瘥

此方與十七卷尸疰篇方重

衍義

蜥蜴丸與後陷冰丸總皆辟惡之方陷冰丸中首

推烏附振發陽威蜥蜴丸中桃奴鬼督郵破除陰

毒藥雖異而功用彷彿 陷胸則陽邪猶在陽位

陷冰則陰邪汨沒微陽故用雄丹烏附恢復真陽

鬼臼射罔開辟陰邪犀角珍珠分解毒蘊藜蘆礬

石大黃巴豆上下涌泄激發蜥蜴斑猫蕩瘀之威

人參當歸氣血兼該鼓舞烏附復陽之力方名陷



水千金取譬叔孫陷圍公徒釋甲執水而踞之意  
或云陷凝古字通用陽為陰陷於義亦通

五明狼毒丸 治堅癬瘡在人胸脇或在心腹

方

狼毒

乾地黄

各四兩

附子

大黃

肉蓯蓉

人參

當歸

細辛

蜀椒

五味子

蒟茹

熬令煙盡 息各一兩

半夏

二兩

乾薑

桂心

各半兩

芫花

各二十兩

莽艸

厚朴

防已

旋覆花

各半兩

杏仁

三十枚

巴豆

二十四枚

右二十一味為末蜜和丸如梧子大服二九日二  
夜一以知為度

小狼毒丸

治同前

狼毒

三兩

附子

旋覆花

半夏

蒟茹

白附子

各二兩

右六味為末蜜和搗五千杵丸如梧子大飲服三  
丸加至十九日三川後方無半夏附子蒟茹

狼毒丸

治堅癬方

狼毒

五兩

半夏

杏仁

各三兩



桂心 四兩

附子

蜀椒

細辛 各二兩

右七味為末別搗杏仁蜜和丸如大豆服二丸

衍義

金匱九痛丸治九種心痛兼治卒中惡腹脹痛連年積冷流注心胸痛及落馬墜車血疾千金取治堅癖參入蜀椒易去吳萸萸椒性味相類本經言下氣溫中則一椒則專治蟲積也更加茵茹芫花莽艸防已大黃厚朴助巴豆攻積之威半夏細辛杏仁助乾薑滌飲之力桂心當歸地黃助附子散血之用旋覆花專散心下結氣肘後方與狼毒附

子同治心腹連痛菴蓉味鹹本經有軟堅去癥瘕之治五味子強陰益精輔人參固斂精血不使隨毒劣耗散也 小狼毒丸取大五明狼毒丸中五味加白附以祛肝腎風毒 狼毒丸取半夏杏仁佐狼毒以破結積之痰桂心細辛佐附子以散沉沍之積蜀椒專治胸腹蟲積之痛也

甘遂湯 治暴堅久痞腹有堅者方

甘遂

黃芩

芫硝

桂心

細辛

各一兩

大黃

三兩

右六味咬咀以水八升煮取二升半分三服



治卒暴癥腹中有物堅如石痛如斫刺晝夜啼呼

不治必死

牛膝二觔段咀曝令乾以酒一斗浸之蜜塞器口煎取半升服一服便吐去宿食神效

治卒暴癥方

搗碎商陸根蒸之以新布籍腹以藥鋪著其上以衣物覆其上冷易之數日用之旦夕勿息

又方

蒜十斤

桂一尺

竈中黃土如雞子大

枚

右三味合搗以醇苦酒和塗布上以掩病處不過

三日消肘後方不用桂

衍義

此以大陷胸湯入辛桂以散肝積之結黃芩以瀉膽氣之鬱也 牛膝專走厥陰而散肝家癥疾亦

是肘後成法 商陸苦寒利水大傷中氣雖外用

蒸熨亦必從大便開泄 蒜桂竈土總取溫散結

積塗臍亦得散堅

野葛膏 治卒暴癥方

野葛一尺

當歸

附子

雄黃油煮一日

細辛各一兩

蜀椒半兩



烏頭 二兩

巴豆 一百枚

右八味咬咀以大酢浸一宿猪膏二斤煎附子色黃去滓內雄黃粉攪至凝傅布上掩癥處復以油重布上復著十重紙以熨斗盛火著其上常令熱日三夜二須膏乾為度

衍義野葛殺鬼疰蟲毒兼烏附椒辛雄歸巴豆熬膏傅熨以毒攻毒與前風毒脚氣門中野葛膏辛烈破結雖同祛風逐濕迥別

硝石大黃丸 治十二癥瘕及婦人帶下絕產無子并欲服寒食散而腹中有癥瘕實者當先服

大丸下之後與寒食散大丸不下水穀但下病耳不令人困方

硝石

六兩朴硝亦得

大黃 八兩

人參

甘艸

各二兩

當歸 一兩

右五味為末以苦酒三升置銅器中竹筯挂器中一升作一刻凡三升作三刻置火上先內大黃常攪微沸盡一刻乃內餘藥又盡一刻餘一刻極微火熬使藥可丸如雞子中黃凡合藥當齋戒一宿勿令小兒女人奴婢等見之欲下病者用二丸強者二十日可五服婦人服之下如雞肝或如米汁



或正赤黑下後慎風冷作一杯粥食之然後作羹  
臠自養如產婦法六月則有子禁生魚猪肉五辛  
菜果

衍義癥瘕固疾非補瀉兼投寒熱兼濟無以克應硝石  
純陽專破固結雷癥大黃純陰專破癥瘕積聚人  
參壯氣助陽當歸和血通陰甘艸調和寒熱補瀉  
之性苦酒引入肝經味簡法專他方之所不及方  
下云寒食散卽後蛟龍病之用寒食飭也

土瓜丸 治諸藏寒氣積聚煩滿熱飲食中蠱毒  
或食生物及水中蟲卵生入腹而成蟲蛇若爲

魚鱉畱飲宿食婦人產瘕帶下百病陰陽不通

利大小便不節絕傷墮落寒熱交結唇口焦黑  
身體消瘦嗜臥少食多魘產乳胞中餘疾股裏

熱少腹中急結痛引陰中方

土瓜根 桔梗各半升 杏仁一升

大黃一斤蒸二斗米下曝乾

右四味爲末蜜丸如梧子大空腹飲服三九日三  
不知加之以知爲度

治凡所食不消方

取其餘類燒作末酒服方寸匕便吐宿食卽瘥



有食桃不消作病者以時無桃就樹間得槁桃  
燒服之登時吐病出甚良

治卒食不消欲成癥積方

煎艾汁如飴取半升作一服便刺吐去宿食神

良古今錄驗方用艾五尺圍一  
束薏苡根一大把二味同煎

治雜食癥實不消心腹堅痛方

以水三升煮白鹽一升令消分三服刺吐去所

食并治暴癥

治食魚肉等成癥結在腹內并諸毒氣方

狗屎五升燒末綿裹以酒一斗浸再宿濾取清

分十服日三三日令盡隨所食癥結即出

治癥堅心下有物大如杯不得食食則腹滿心腹

絞痛方

葶藶子 大黃各二兩 澤漆四兩

右三味別研葶藶為膏其二味搗五百杵入蜜更

搗干杵和丸如梧子大服五丸不知加之日三

治小腹堅大如盤胸中滿脹食不消化婦人瘦瘠

方

以暖水服髮灰一方寸七日再并灸肋端

又方



飲服上好麵末方寸七日三又灸三焦膈隨年壯

治伏梁氣方

白馬屎銅器中盛取每日服一升

治癥瘕方

槲樹白皮煎令可丸服之取知病動若下減之

衍義

土瓜根佐大黃以破積血桔梗佐杏仁以散結氣然僅可治暴傷積聚而不能攻癥堅宿患也 取餘食燒末以治所傷同氣所感灰能化滯也 艾汁純陽探吐陰傷結滯其力最專 鹽湯探吐中

病即止過服傷腎滯血又噉時不可言語語則陰

入肺竅令人哮喘 狗屎穢惡能祛穢惡宿滯取

其性熱也 葶藶大黃澤漆利水破血滌痰大傷

元氣亦惟暴病為宜 小腹堅大為有形之血積

於肝部故宜髮灰破宿生新在婦人尤為合法

麩末能消食積而不能破宿血用者辨之 馬尿

殺蟲而消癥瘕腹脹能傷胃氣虛者禁用 槲皮

散血而治蠱殺蟲取其苦澀以化積毒也

椒熨方 治患癥結病及爪病似爪形日月形或

在臍左右或在臍上下或若鰲在左右肋下或



當心如盒子大法先鍼其足以椒熨之

取一新盆受一斗者底鑽一百二十孔孔上著椒三合上著一重紙紙上著冷灰一升冷灰上著熟灰半升上著剛炭火一筋經一食頃盆底熱徹當病上初安鹽一重即安火盆火益大熱以漸更加一重若火更熱不可忍加至三重暫歇進一口冷飲還上火消二分許即停止經三日勿著及至七日決得頓瘥然後食美食自補若小不瘥作露宿丸服之

方見十五卷上脾臟氣極門

治腹中積癥方

葶藶子一升熬以酒五升浸七日每服三合日

三

治蛇癥方

白馬尾切長五分以酒服方寸七者自出更服三分者一方寸七中者亦出更作二分者一方寸七小者復出不可頓作一服殺人

馬尾一作牛尾

大黃湯 治蛇癥方

大黃

茯苓

各半兩一作黃芩

烏鰂骨

二兩

皂莢

六枚如豬牙者

甘艸

如指大一尺

芫硝

如雞子大一枚

右六味咀以水六升煮三五沸去滓內硝適寒



溫盡服之十日一劑作如上法宿勿食平日空腹服病根當下也

治驚癥腹堅硬腫起大如盆眠臥不得方食中得病為驚

癥在心下堅強

取藍一觔搗水三升絞取汁每服一升日二

又方

蒟蒻根白皮一握研取汁以水和頓服之

又方

白馬尿一升雞子三枚取白合煎取二合空腹

頓服不移時當吐病出

又方

雞屎一升炒令黃取五合以酒一升浸取半搗

為末以所浸酒服方寸七日二服三日中作一

劑

治蛟龍病

開皇六年三月八日有人食芹得之其病發似癩癩面色青黃因食寒食餚過多便吐出狀似蛟龍有頭有尾

服寒食餚三斗大驗

山野人有嚙蝨在腹生長為蝨癥病治之方

故敗篋子

故敗梳各一枚

右二件各破為兩分各取一分燒為末又取一分



以水五升煮取一升服上件燒末頓服卽出  
常欲食米若不得米則胸中清水出爲米癥治之

方

雞屎 一升

白米 五合

石二味合炒令米焦搗末以水二升頓服取盡須  
臾吐出病如研米若無米當出痰自此永憎米不  
復食之矣

人有思肉不已食訖復思者爲肉癥治之方

空腹飲白馬尿三升吐有肉出不出必死

食中有髮不覺因食而入久卽胸間如有蟲狀上

下去來惟欲飲油一日之中乃至二三升不欲

飲食者爲髮癥方

以油一升以香澤煎之大螿勞貯之安病人頭  
邊令口鼻臨油上勿令得飲傅鼻面令有香氣  
當叫喚取飲不得與之必當疲極大睡其髮癥  
當從口出令一人專守視之并備石灰一裹見  
癥出以灰粉手提癥抽出及盡卽是髮也初從  
腹中出形如不流水中濃菜隨髮長短形亦如  
之

又方



酒三升煮猪脂二升三沸服一升日二白馬尿服之亦佳無白馬尿白牛尿亦得

衍義

椒性下氣溫中蟲積遇之卽伏然須用得其法方

臻其妙 葶藶專於利水浸酒亦能下積 蛇癥

用馬尾雖云散血照方切蜜拌酒服實用以誘蟲同下不可頓作一服者恐蟲與馬尾交混不散反致上攻膈膜也 蛇癥而用硝黃兼烏鰂以破血皂莢以滌垢茯苓五臟正氣甘艸緩芫硝之急以盡攻積之力也 驚癥食驚而成藍專解毒殺蟲與夏子由奇方用板藍汁治腹內應聲蟲一意

葫藿散血開痺葉上有粉與水銀之功彷彿

白馬尿合雞子白煎取吐胸中積著以垢逐垢之驗 雞矢醴下氣攻積內經治蠱脹用之也 寒

食腸卽寒食散治蛟龍病然須盡力多食混淆痰涎而涌之使上以越之也 敗梳篦燒治蝨癥雖

曰取意亦取宿穢油垢以逐宿蘊之積 雞屎下氣和米同炒而投其所好誘之使出然不若用生

米粉尤捷 肉癥服馬尿涌吐不獨破積兼取殺蟲吐不出者胃氣告匱不能復勝傷伐也 髮最

喜油癥本髮變香煎尤爲所好但與嗅不與飲候



癥極困睡乘機以法取之 髮癥而用前法極其  
智巧設引之不出更取馬尿殺蟲破癥借酒煮猪  
脂誘入蟲口以化之也

灸法

癥瘕灸內踝後宛宛中隨年壯 又灸氣海百壯

久冷及婦人癥瘕腸鳴泄利繞臍絞痛灸天樞百壯

三報穴在俠臍兩邊各方寸勿鍼

積聚堅滿灸脾募百壯穴在章門季肋端

心下堅積聚冷脹灸上腕百壯三報穴在巨闕下一

寸

積聚堅大如盤冷脹灸胃腕一百壯三報穴在巨闕  
下二寸是

附  
臟腑大義

石頑曰嘗攷岐伯十九條病機原病式皆言盛氣  
實邪邵子元偉逐條分屬經臟前五條是言五臟  
之病次二條兼該下上之機後十二條分隸十二  
經證披卷豁然無庸擬議婁氏極言守真立言之  
偏誠非過論原夫五臟之病動關五志縱有旺氣  
槩難實邪例稱屬上屬下多由腎肝氣衰火乘心  
肺原非盛氣之謁至於十二經證雖由六淫居多



千金方衍義卷十一  
五  
未必不因七情擾動表裏已非一端主治豈能專  
一由是而推廣千金臟腑治例首叅肝臟虛實五  
方惟第二方正邪自病餘皆熱移他臟即使證見  
兩端究不離肝之一本能達此義則病之所屬皎  
如列炬又得必飲上池水而後洞見五臟之癥結  
歟

孫真人千金方衍義卷十一

終



